



Pou Piblikasyon Imedya: 16/06/2015

GOUVÈNÈ ANDREW M. CUOMO

**GOUVÈNÈ CUOMO, MAJORITE LIDÈ FLANAGAN AK PREZIDAN HEASTIE
ANONSE AKÓ SOU PWOJÈ LWA “ENOUGH IS ENOUGH” POU KONBAT
VYOLANS SEKSYÈL SOU KANPIS KOLÈJ YO**

Gouvènè Andrew M. Cuomo, Lidè Majorite Sena John Flanagan ak Prezidan Asanble a Carl E. Heastie jodia te anonse ke yo te rive jwenn yon akò sou pwojè lwa “Enough is Enough” pou konbat agresyon seksyèl sou kanpis kolèj yo nan Eta New York.

“Jodia se yon viktwa pou etidyan yo toupatou nan Eta New York,” Gouvènè Cuomo te deklare. “Antanke Gouvènè, e antanke papa, mwen fyè dèske avèk lwa sa New York pral vini yon lidè nasyonal nan lit kont agresyon seksyèl sou kanpis kolèj yo. Aksyon sa a se yon gwo etap pwogrè pou pwoteje etidyan yo kont yon pwoblèm ki te fè raj nan lekòl yo nan tout eta pandan twò lontan. Yon fwa ankò, New York ap fikse standa pou lòt eta yo swiv, e map rete tann pou m siyen pwojè lwa sa an lwa opli vit ke posib.”

Lidè Majorite Sena John Flanagan te deklare, “Mwen kontan ak fyè dèske nan travay ansanm nou te rive jwenn yon konsansis sou yon pwojè lwa pou konbat epi derasinen agresyon seksyèl kidonk kanpis kolèj nou yo se yon anviwonman ki ansekirite pou tout etidyan yo. Mwen remèsye Senatè Ken LaValle pou travay san relach li, ansanm avèk Gouvènè Cuomo ak Prezidan Heastie, e mwen aplodi kolèg ak defansè yo paske yo te ede nou atenn yon rezilta pozitif sou pyès lejislasyon sa ki ekstraòdinèman enpòtan.”

Prezidan Asanble a Carl Heastie te deklare, “Chak etidyan merite opòtinite pou jwenn yon edikasyon siperyè nan yon anviwonman ki ansekirite ak sipòtif. Agresyon Seksyèl sou kanpis deranje lavi viktim yo epi li chanje atansyon yo sou etid yo. Plan sa a ankouraje viktim yo pou yo pale epi bay yon règleman inifòm pou jere akizasyon yo toupatou nan kolèj Eta New York yo, ansanm avèk ranfòse sèvis pou viktim yo nan zak kriminel sa. New York dwe kontinye dirije wout la nan batay kont agresyon seksyèl sou

kanpis yo.”

Senatè Ken LaValle, Prezidan Komite Edikasyon Siperyè Sena te deklare, “nou te apwoche sijè sansib sa nan yon fason ki konpreyansif ak reflechi. Lwa sa a bay pwoteksyon esansyèl ki enpòtan pou viktim yo epi detaye pwosesis ki nesèsè pou atenn rezita ekitab ak rezilta sèlman pou sila yo ki enplike. Mezi a bay yon chemen klè pou konbat epi efase agresyon seksyèl sou kanpis ak yon plan daksyon pou viktim ensidan devastatè sa yo. Li bay pou edikasyon tout etidyan kolèj yo; rekòmande metòd prevansyon, ak bay asirans yon pwosedi regilye nan adjidikasyon ensidan sa yo. Lwa sa a adrese pwoblèm ki konplike yo e li pral pi byen pwoteje etidyan kolèj nou yo toupatou nan eta.”

Manm asanble Glick, Prezidan Komite Edikasyon Siperyè Asanble a te deklare, “Agresyon seksyèl sou kanpis diminye grandman yon eksperyans kolèj pozitif e li ka gen efè dirab sou viktim yo. Mwen konplimante kòlèg mwen yo paske yo te rekonèt pwoblèm enpòtan sa a e yo te pran etap pou pwoteje tout etidyan yo, enkli sila yo ki nan kominote LGBT a, kont krim vyòl, agresyon seksyèl, vyolans nan frekantasyon, vyolans domestik ak asèlman.”

Sa a se prevansyon agresyon seksyèl sou kanpis e Gouvènè Cuomo te premye pwopoze repons lejislasyon an nan mwa janvyè. Pake a gen ladan:

- Yon definisyon afimasyon konsantman nan tout eta, defini konsantman kòm yon desizyon koni, volontè ak desizyon mityèl pami tout patisipan yo ki angaje nan aktivite seksyèl;
- Yon politik amnisti nan tout eta, pou asire ke etidyan ki rapòte ensidan agresyon seksyèl oswa lòt vyolans seksyèl jwenn iminite pou sèten vyolasyon règleman sou kanpis, tankou itilizasyon dwòg ak alkòl;
- Yon deklarasyon Dwa Sivivan /Viktim Vyolans Seksyèl, kanpis yo pral gen obligasyon pou distribye bay tout etidyan yo nan fason pou enfòmè spesyalman viktim vyolans seksyèl yo sou dwa legal yo ak kijan yo ka jwenn resous ki apwopriye. Deklarasyon Dwa klèman deklare ke etidyan yo gen dwa pou yo konnen ke yo ka pote rapò bay lapolis andeyò kanpis la, sa ki gen ladan lapolis Eta;
- Egzijans fòmasyon konplè pou administratè yo, anplwaye, ak etidyan yo enkli nan nouvo oryantasyon etidyan;
- Egzijans pou kanpis yo bay rapò chak ane sou done ki agreje pou rapòte ensidan sou vyolans seksyèl ansanm avèk adjidikasyon yo epi rapòte l bay Depatman Eddikasyon Eta;
- Yon nouvo inite nan Lapolis Eta ki rele “inite agresyon seksyèl viktim” spesyalize nan fòmasyon avanse pou reponn a agresyon seksyèl ak krim ki

gen rapò ki pral bay asistans a lapolis kanpis la oswa lapolis lokal, ansanm avèk fòmasyon pou kominote kolèj kanpis yo;

- Yon angajman \$10 milyon pou ede konbat agresyon seksyèl sou kanpis yo atravè diferan patnè, ki separe nan fason ki annaprè a: \$4.5 milyon pou sant kriz vyòl pou bay etidyan yo sèvis ak resous, \$4.5 milyon pou Lapolis Eta kreye inite viktim agresyon seksyèl, ak \$1 milyon pou kolèj ak inivèsite yo; ak
- Yon egzijans pou premye sekouris yo enfòmè sivivan yo sou dwa yo genyen pou kontakte lapolis eksteryè.

Pandan tout dènye mwa ki sot pase yo, Gouvènè Cuomo te mennen kanpay 'Enough is Enough' pou rasanble sipò pou pwopozisyon li a. Depi janvye, li te genyen yon gwo kantite sipò nan men otorite piblik yo, òganizasyon ak gwoup kominotè, enkli:

- Lady Gaga, ki egalman [ko-ekri yon editoryal](#) avèk Gouvènè a;
- 17 sou 18 [egzekitif konte](#) nan tout eta;
- [Whoopi Goldberg](#), ki te filme egalman yon [videyo](#) pou kanpay la;
- Plis pase 40 [majistra vil](#) ki soti toupatou nan eta;
- Plis pase 100 [ofisyèl eli](#) ki soti toupatou nan eta;
- Preske 20 manm nan [Delegasyon Kongrè New York](#);
- Plis pase 50 [òganizasyon lokal ak nan tout eta](#), anplis de 30 [gwoup defans](#), [òganizayson kominotè ak sendika](#) ak 14 [gwoup travay](#);
- 28 [ofisyèl sekirite piblik](#) ki soti toupatou nan eta;
- [Defansè etidyan](#) ki soti nan Barnard College ak Syracuse, Columbia, Fordham ak inivèsite New York yo; ak
- Lidè Demokratik Chanm nan [Nancy Pelosi](#).

###

Wa p jwenn lòt nouvèl nan sitwèb www.governor.ny.gov
Eta New York | Executive Chamber | press.office@exec.ny.gov | 518.474.8418